

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA

Broj: T04 0 KT 0066159 25
Zenica; 06.04.2026. godine

OPĆINSKI SUD U ZAVIDOVIĆIMA
ZAVIDOVIĆI

Na osnovu člana 45. stav 1. i 2. tačka i), člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem,

O P T U Ź N I C U

Protiv:

H.E., osuđivan,

Što je,

dana 15.10.2025. godine oko 19,00 sati, u Z. u Ul. S., nakon što se u naznačenu ulicu dovezao vozilom marke ..., reg. oznaka ..., pa kada je vidio H. K. u društvu sa I. F. i B. I., izašao iz vozila, prišao H. K. i u namjeri da istog teško tjelesno povrijedi, nakon kraće rasprave istome zadao udarac zatvorenom pesnicom desne ruke u predjelu lica, uslijed čega je H. K. pao preko betonskog podesta pored kojeg je stajao na asfaltnu podlogu, udarivši pri padu tjemenim dijelom glave u asfalt na koji način je svjesno i s namjerom H. K. nanio teške tjelesne povrede u vidu akutnog krvnog podliva iznad tvrde moždane opne desno sljepoočno-zatiljačno, akutni krvni podliv ispod tvrde moždane opne na lijevoj strani mozga, nagnječenje mozga čeonu lijevo, traumatsko krvarenje ispod paučinaste moždane opne, prelom kostiju u obliku linije ili crte u području sljepoočno zatiljačnih kostiju desno, prelom piramide sljepoočne kosti desno, te prelom stiloidnog nastavka sljepoočne kosti desno, koje se u sveukupnom djelovanju kvalifikuju kao teške tjelesne povrede opasne po život, svjestan i znajući da zadavanjem takvog udarca može izazvati opasnost po život oštećenog, na što je i pristao,

dakle, drugog teško tjelesno ozlijedio zbog čega je doveden u opasnost život ozljeđenog

čime je počinio krivično djelo Teška tjelesna ozljeda iz člana 172. stav 2. KZ F BiH.